

**Najib Rakam Penghargaan Kepada Ahmad Said Selama Mentadbir Terengganu**

**Bername**

**July**

**6,**

**2014**

KUALA TERENGGANU, 6 Julai (Bernama) -- Perdana Menteri Datuk Seri Najib Tun Razak merakamkan penghargaan dan terima kasih kepada bekas Menteri Besar Terengganu Datuk Seri Ahmad Said atas jasa yang disumbangkannya sepanjang mentadbir negeri ini.

Beliau berkata jasa Ahmad sepanjang bergelar Menteri Besar tidak harus dipandang mudah kerana beliau melakukan pelbagai sumbangan dan usaha untuk membangunkan negeri Terengganu.

Perdana Menteri berkata demikian ketika berucap sebelum mengumumkan pemberian dividen Felda Global Ventures Holdings Berhad dan duit raya kepada warga peneroka Felda di Kompleks Pejabat Felda Wilayah Terengganu di Tepoh di sini hari ini.

Najib juga menyokong penuh konsep pembangunan yang dibawa oleh Menteri Besar Terengganu yang baharu Datuk Ahmad Razif Abdul Rahman dalam memajukan pembangunan dan pentadbiran negeri.

Katanya Ahmad Razif juga bersedia meneruskan kesinambungan usaha yang dilakukan oleh Ahmad Said.

"Apa sahaja yang baik yang dilakukan oleh Ahmad Said, Ahmad Razif akan teruskan bagi memastikan negeri ini terus berkembang," katanya.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1051727>